

COMUN - Por gauja de mancianza de personal é l'ofize **demografich** cina a pröms de setëmbër ma davert i dis de lönesc, mercui y vëndres dales 8.00 – 12.00. I documënc de chësc ofize sará da ciafé te n'edema dal de dla domanda.

PLOANIES SAN MARTIN Y LUNGIARÜ

L'indulgënza dla Porziuncula pó gní davagnada dal 01 al 02 d'agost o la domënia ai 7 d'agost ales condiziuns dades dant dala Dlijia: vijité na dlijia ploanala o na dlijia di franzescans, dí n paternoster y le credo y jí tratan i otedé a se confessé y ala comunión y dí na oraziun do l'intenziun dl papa. *Le Ploan*

SAN MARTIN

Conzert de orghe y trombëta tla dlijia da San Martin en sabeda, ai 6 d'agost, dales 21.00; Flavia Crotta - orghe y Stefano Casiraghi – trombëta. Düc é inviá.

Conzert te dlijia dl aniversar de 25 agn Cor dles Ères Raiëta y 10 agn Cor di Èi Armentara en vëndres, 05.08.2016 dales 21.00 tla dlijia da La Val: Missa Brevis in B de Mozart (solisc: Judith Moling, Helga Miribung, Elio Clara, Florian Colz; direziun: Konrad Tavella; orghe: Franz Comploi)

Cor Provoxis a capella tl Ciastel La Ila ai 08/08 dales 21.15, a Bornech Ufo ai 12/08 dales 20.30 y ai 10/09 dales 20.30 a Corvara tl salf manifestaziuns

Assoziaziun Turistica:

Lönesc al 01/08 dales 21.00 Diashow “Frühe Tage” de Hans Pescoller cun le cor de dlijia Lungiarü tl salf dles manifestaziuns a Lungiarü.

Dedolönesc ai 02/08 dales 21.00 Bal Popolar a n'Antermëia tl salf manif.

Dedemesaledema ai 03/08 dales 21.00 Proieziun sonorisada y comentada da Antonella Fornari sura la Pröma Vera - Frunt Dolomitich a Lungiarü tl salf Jöbia ai 04/08 dales 21.00 Liëndes Ladines cun Simon Kostner a San Martin tl salf di stödafüch.

Vëndres ai 05/08 dales 21.00 Conzert dla Musiga a San Martin paiun/salf

Domënia ai 07/08 dales 10.00 Mëssa y festa sö dai Morins a Lungiarü.

Domënia ai 07/08 dales 15.00 Defilada dles Liondes dles Dolomites a Al Plan.

Döt le bun a chi che complësc i agn d'agost

a San Martin:

Frida Burchia Ferdigg che nen complësc 83 ai 3
Clara Vanzi Zingerle che nen complësc 83 ai 5
Maria Alfreider Zingerle che nen complësc 80 ai 19
Vijo Unterweger che nen complësc 82 ai 24
Angela Tavella-Castlunger che nen complësc 97 ai 30

a Lungiarü é chi nasciüs d'agost düc plü jogn



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

31.07. - 07.08.16 nr. 36

termo da publiché: jöbia 20.00

radio: 90,40 / 93,70

18^a DOMËNIA IA POR L'ANN - C

Vangele do San Lüca 12,13-21

I éiampoprà de n'ël rich â portè dër tröp.

Y al ponsâ sura: Cî dessi pa fa?

I ne sa nia co ch'î dess abiné ite dōta

la racoiüda. Inultima âl dit: I ô la tó

insciö: I tirarà jö mies majuns y nen

fajará de maius; dailò abinarài ite dōta

mia blâ y mies provijiuns. Spo podarài

me di: Šëgn aste tan tröp da na pert

ch'al arjunj por tröc agn. Palsa fora,

mangia y bër, y gòdete la vita!

Dailò ti à Idî dit: Tö mat! Ciamò en chësta nôt ghirarán da tè la vita.

Na vita zënza fistidi, sciöche chël paur rich s'la dejdrëia tla parabola, ciodí ne dessun pa nia ti la consintí?

Dl ater vers, messéi se cruzié por n'avëi nia assá da rové ala fin dl mëis, n'ester nia bugn da paíé les fatures che röia te ciasa, n'ester nia bugn da ti rete ci ch'an ti é de debít a porsones ch'an á ion, pó ince pesé demassa!

I ne crëi nia che Gejú ois nes fá la vita pesocia.

Defrunt al suzes de chël paur dala blâ, ch'al á arjunt cun laur y lezitënza, ne n'á Gejú dessigü nia decuntra.

Mo do mia minunga critichëia Gejú val' d'ater pro le comportamënt de chël paur:

Por pröm, ch'al se tralascia deplëgn sön so avëi, impede confidé te Chël Bel Dî.

Ince sc'al á les majuns plënes, él porchël apost? Apëna, chël sá bëgn vignun.

Ince sce la segurté finanziaria alda pro la vita, ne tlechera nia, deache Idî é n Dî por la vita intiera, chiló y delá dala mort.

Porchël podunse ince ti porté dant nüsc fistidi materiai y finanziaars.

Por secundo critichëia Gejú che chël paur se fissëia ma sön se instës.

Al é contënt cun so bëgnsté y se desmëntia i atri che n'á nia assá da vire.

Co sciafi pa iö da vire zënza fistidi, canche mi vijin manacia da sofíé sotíte?

Al ne me po nia ester anfat, mina Gejú, él che á de ca súa vita por i atri. (M. T.)



	SAN MARTIN		LUNGIARÜ
31.07.16 18ª DOMÈNIA – ANN C	10.00 Gran Mëssa tla Ciasa de Palsa y sté adöm dedo pro n pice renfräsch y musiga	31.07.16 Domënia	7.55 Corona 8.15 Gran Mëssa y benedisciun dl tëmp 11.00 Bato de Matí Clara 15.00 Corona tla capela da Seres
01.08.16 Lönesc <i>Fonjo da Liguori, Pire Faber</i>		01.08.16 Lönesc	
02.08.16 Dedolönesc <i>Eujeb, Pire Eymard</i>	19.30 Mëssa ++ Milio y Tile Castlunger + Giovanni Flöss y familia	02.08.16 Mertesc	
03.08.16 Dedemesaledema <i>Lidia, Benno</i>		03.08.16 Mercui	7.30 Mëssa ++ Vito y Vittoria Clara
04.08.16 Jöbia <i>Jan Maria Vianney (Curat d'Ars)</i>	7.00 Adoraziun y confesciuns 7.30 Mëssa families de Maria Alfreider Zingerle en onur de Sant Antone Abat Corona por vocaziuns	04.08.16 Jöbia	
05.08.16 Vëndres <i>Segra Basilica S. Maria Maggiore</i> Pröm Vëndres	9.00 Comuniun ai amará a Lungiarü y S. Martin 19.30 Adoraziun 20.00 Adoraziun chita	05.08.16 Vëndres	7.00 Adoraziun y confesciuns 7.30 Mëssa + Sisto Clara 9.00 Comuniun ai amará a Lungiarü y S. Martin
06.08.16 Sabeda <i>Trasfiguraziun dl Signur</i>	15.30 Mëssa tla Ciasa de Palsa 18.30 Mëssa prefestia ++ Mariangel y Berto Tavella + Bruno Donato families de Elena Zingerle 21.00 Conzert te dljia cun orghe y trombëta	06.08.16 Sabeda	20.00 Mëssa prefestia dl ann + Gabriele Clara dl ann ++ Mariangel y Iudita Clara ++ Severino y Angela Clara
07.08.16 19ª DOMÈNIA – ANN C PORZIUNCULA PORDON D'ASSISI	9.00 Corona 09.30 Gran Mëssa y benedisciun dl tëmp y indulgënza	07.08.16 Domënia	10.00 Gran Mëssa alaleria sö dai Morins 15.00 Corona tla capela da Seres